

Cubaan tipu pemilihan cawangan Bersatu

7 individu ditahan disyaki
guna nama dan MyKad
orang lain

Oleh MUHAMMAD AMINNUALIFF

KLANG

Seramai tujuh individu ditahan polis kerana disyaki menipu dengan meletakkan pelekat nama individu lain pada MyKad ketika pemilihan cawangan Bersatu di Klang di sini semalam.

Perbuatan tersebut berjaya diseksikan jawatankuasa pemilihan parti ketika pemberian kertas undi.


"Kita dapat kesan sewaktu beri kertas undi. Apabila disemak semula, ada sesuatu yang tak kenu. Jadi saya minta ahli beri kad pengenalan (MyKad) dan kita semak."

"Seramai tujuh individu melakukan penipuan kad pengenalan. Kad pengenalan tertera nama orang lain yang dilekatkan di atas kad pengenalan tersebut," kata sumber yang enggan didedahkan namanya ketika dihubungi *Sinar Harian* semalam.

Menurut sumber tersebut, tindakan penipuan itu dilakukan bagi memastikan individu terbabit dibenarkan masuk untuk mengundi.

"Sebelum ini, ada pemilihan namun mereka (individu terlibat) tidak puas hati, jadi kita adakan semula pemilihan. Apa yang mereka buat ini untuk pastikan mereka menang namun kita berjaya kesan perbuatan ini," katanya.

Sementara itu, Ketua Polis Daerah Klang Selatan, Asisten Komisioner Shamsul Amiar Ramli



MyKad yang dilekatkan dengan pelekat nama individu lain.

berkata, pihaknya menerima laporan mengenai kejadian tersebut.

"Kes diterima melibatkan Pengundian Pemilihan Parti Prihumi Bersatu Malaysia (Bersatu) Cawangan Pandamaran Klang.

"Siasatan dijalankan mendapati ketika satu sesi pendaftaran pemilihan persidangan Bersatu bagi cawangan Pandamaran Klang diadakan, terdapat tujuh individu telah mengemukakan kad pengenalan yang ditampalkan sticker kad pengenalan menggunakan nombor kad pengenalan dan nama yang palsu," katanya.

Kes disiasat di bawah Seksyen 419 Kanun Keseksaan (Menipu dengan jalan samaran).

Sementara itu, *Sinar Harian* masih menunggu maklum balas daripada Pengerusi Bersatu Selangor, Datuk Abdul Rashid Asari berhubung kejadian tersebut.

